


Atmosferas musicalas en la «Litteratura»

(cp) La retscha «Litteratura» da l'Uniun per la Litteratura Rumantscha retschai-va puspè ina nova ediziun e vegn preschentada als Dis da litteratura a Domat. En la retscha Litteratura cumpara annualmain dapi il 1980 in tom cun novs texts rumantschs. La retscha è d'ina vart ina plattafurma per novs texts litteraturs, da l'autra vart dentant er in forum per il barat litterar tranter auturas ed auturs. Editura da la retscha è l'Uniun per la Litteratura Rumantscha ULR. Ils ultims onns n'è la Litteratura betg cumparida regularmain, perquai che l'uniun era vegnida adina dapli en las stretgas cun la lavur d'ediziun. Ussa cumpara la retscha en la Chasa Editura Rumantscha.

Per l'ediziun actuala, la Litteratura 31, è vegnì tschernì il tema «Litteratura e musica – A la tschertga dad atmosferas». La lavur da redacziun han procurà la romanista Uorschla Natalia Caprez Brühlhart ed Aita Dermont-Stupan. Las contribuziuns tematicas tanschan da lirica, prosa curta fictiva, chanzuns, essays fin ad intervistas cun auturs e musicists davart lur lavur, inspiraziun e collavuraziun. I suondan texts novs or dal trulet, ina translaziun e duas intervistas litteraras.

La retscha da la Litteratura n'ha a partir da quest onn betg mo ina chasa editura, mabain er ina cumparsa frestga. Il format è vegnì mantegnì, scrittira e la creaziun da la cuverta èn creadas da nov. Plinavant è



Litteratura e musica, CHF 20.00, 176 paginas, ISBN 978-3-905956-10-8, Ediziun da l'Uniun per la Litteratura Rumantscha, Chasa editura: Chasa Editura Rumantscha, Cuira. MAD

questa ediziun enritgida cun illustraziuns dad Annatina Dermont; ella ha terminà la scol'auta per creaziun a Lucerna ed ha creà maletgs interessants e captivants tar il tema «Litteratura e musica».

La Litteratura 31 vegn preschentada dumengia, ils 4 da november a las 9.15 als Dis da Litteratura a Domat en la sala Tircal. Retrair pon ins il cudesch tar las librerias ubain sut www.chasaeditura.ch.